

ডার্বির গুরুত্ব বুঝেছেন লাল-হলুদের পার্টে

নিজস্ব প্রতিনিধি, কলকাতা, ২৪ নভেম্বর : এর আগে সাইপ্রাসের ক্লাবে খেলার সময়ে প্রথম ম্যাচে মাঠে নেমেই তাঁর গোল ছিল। সেবার জিতেছিলেন। তাই আশা ছিল, এরকম কিছু এবারও ঘটবে। তবে এবারও জয় না এলেও সেই ফ্রাঞ্জো পার্টের গোলে প্রথম ম্যাচেই পয়েন্ট এসেছে এসসি ইস্টবেঙ্গলের খাতায়।



এসসি ইস্টবেঙ্গলের রক্ষণে ভরসা জোগাচ্ছেন ফ্রাঞ্জো পার্টে।

ডিফেন্সও সামাল দিয়েছেন যথেষ্ট তৎপরতার সঙ্গে। এর সঙ্গে প্রথম ম্যাচেই গোল করে সমর্থকদেরও পছন্দের হয়ে উঠেছেন। স্বাভাবিকভাবেই এখন একমাত্র লক্ষ্য ডার্বিতে জয়। তবে সেটা যে সহজ নয়, সেটা ভালোই বুঝতে পারছেন। একসঙ্গে রয় কৃষ্ণা, হুগো বৌমৌস, লিস্টন কোলাসো, মনবীর সিংদের সামাল দেওয়া যথেষ্টই কঠিন যে কোনও ডিফেন্সের পক্ষেই। তাও সমর্থকদের মুখে হাসি ফোটাতে বদ্বারপার্কের পার্টে। ২৭ নভেম্বরের মেগা ডার্বি প্রসঙ্গে বলছিলেন, 'এই ম্যাচটার গুরুত্ব কী, সেটা এতদিনে বুঝে গিয়েছি। প্রতিদিনই ম্যাচ দেখি। আর বিরতিতে ডার্বির নানা গল্প শুনাছি। ওই ম্যাচে কীভাবে সমর্থকরা চিৎকার করে, সেসবও দেখছি। ভারতীয় ফুটবলাররা সকলেই নানা গল্প বলেছে এই ম্যাচটা সম্পর্কে। ফলে ডার্বি

লাল-হলুদের এই ক্রোয়েশিয়ান ডিফেন্ডার। নিজেই সেই প্রসঙ্গ তোলেন, 'আমরা প্রথম ম্যাচে যা খেলেছি, তার থেকে অনেক উন্নতি করতে হবে। প্রত্যেকে কিছু না কিছু ভুল করেছি। আমাদেরও আরও কঠোর অনুশীলন করতে হবে। ফোকাস ঠিক রাখাটা খুব জরুরি। তবে আমরাও একশো শতাংশ দিতে তৈরি।' প্রথম ম্যাচেই গোল পেতে পারেন, এমনটা নাকি তিনি আগাম আদাজ করেছিলেন। কারণ এর আগেও তাঁর জীবনে একই ঘটনা ঘটেছে। নিজেই খোলসা করেন ব্যাপারটা, 'আমার কেন যেন মনে হচ্ছিল, এখানে এসে প্রথম ম্যাচেই আমি গোল পেতে পারি। সাইপ্রাসের এসি ওমেনিয়াতেও একই ব্যাপার ঘটেছিল। তাই ম্যাচের আগেই মনের মধ্যে হচ্ছিল যে আমি হয়ত গোল পাব। তবে ওখানে ম্যাচটা আমরা ১-০ জিতেছিলাম। কিন্তু এখানে দুর্ভাগ্যজনকভাবে ম্যাচটা ড্র করে ফিরতে হল।'

তবে এসব নিয়ে ভেবে আর সময় নেই করতে রাজি নন পার্টে। এমন গোটা দলের মতো, তাঁরও একটাই লক্ষ্য, ডার্বি জিতে সমর্থকদের খুশি করা।

ইস্টবেঙ্গল ডিফেন্সকে গুরুত্ব দিচ্ছেন রয় কৃষ্ণা

নিজস্ব প্রতিনিধি, কলকাতা, ২৪ নভেম্বর : লাল হলুদের ডিফেন্সকে যেমন গুরুত্ব দিচ্ছেন, একইভাবে গোলে অরিদমের থাকা আড্ডাভাট্টেজ বলে মনে করছেন রয় কৃষ্ণা।

এদেশে আসার পর থেকেই এই ডার্বির কথা শুনে এসেছেন তিনি। আর গত মরশুমের শুধু খেলা নয়, গোল করারও সৌভাগ্য হয়েছে ফিজিয়ান তারকার। জানেন, এবারও তাঁর দিকেই তাকিয়ে সবুজ মেরুন সমর্থকরা। এমনতাই মেরিনার্সরা এখন একটু অভিমান করে বসে আছেন কর্তৃপক্ষের উপরে। এই সমস্যার ম্যাচে না জিততে পারলে সেই ফোকাল-অভিমান সব আরও বাড়বে। দুই ডার্বিতেই গত মরশুমে গোল করা বাগান স্ট্রাইকার জানালেন, 'আমার দলের জয়ই বড় ব্যাপার। সেটা আমার গোলে হোক কী, কাউকে বল বাড়িয়ে হোক। এমনকি ডিফেন্স করেও যদি জেতাতে পারি, তাতেও আপত্তি নেই। ব্যক্তিগতভাবে গোলের সংখ্যা বাড়ানোর একটা চ্যালেঞ্জ নিজের কাছে থাকেই।' এমনতাই কাগজে কলমে এগিয়ে এটিকে মোহনবাগানই, তবু ডার্বিতে আগাম কিছু বলা মুশকিল বলেই হয়তো প্রতিপক্ষকে খাটো করে দেখতে নারাজ দলের এক



এটিকে মোহনবাগানকে গোল এনে দিতে তৈরি হচ্ছেন রয় কৃষ্ণা। বুধবার।

নম্বর স্ট্রাইকার। এসসি ইস্টবেঙ্গল সম্পর্কে তাঁর বিশ্লেষণ, 'আমি ওদের প্রথম ম্যাচটা দেখেছি। যথেষ্ট ভালো দল। বিশেষত ব্যাকলাইনকে দুর্বল্য লেগেছে এবার। গোলে গত মরশুমের

হলে কৃষ্ণার মন্তব্য, 'হুগো একজন ভালো প্লে-মেকার। ফলে ও আমাদের জন্য প্রচুর সুযোগ তৈরি করে দেয়। ওর টাচগুলোও অসাধারণ। যা থেকে ওর কেবল ম্যাচে দুটো গোল এসেছে। ওর সঙ্গে খেলাটা উপভোগ করছি। ওর আরও কিছু উপভোগ মুহূর্ত তৈরি করার দিকে তাকিয়ে আছি।' তাঁর জন্য ম্যান মার্কেট থাকারই স্বাভাবিক।

এখন কিন্তু বাগানে হুগো, লিস্টন কোলাসো, মনবীর সিংদের মতো একাধিক আক্রমণাত্মক ফুটবলার থাকায় প্রতিপক্ষ ডিফেন্ডাররা দিশেহারা কাকে ছেড়ে কাকে ধরবেন, তা নিয়ে। এতে তাঁর উপর থেকে চাপ কমে যাবে কিনা জানতে চাওয়া হলে বলেন, 'এখন প্রতিপক্ষের কাছে আমাদের আটক লাইনকে আটকানো চ্যালেঞ্জ। তার মানে এই নয় যে, আমার চাপটা সরে গিয়েছে। যে সুযোগই আসবে তা কাজে লাগানো।' তবে এতকিছুর পরেও তিনি মনে করেন, কেবল রাষ্টার্স মাঠে তাঁদের কিছু ভুলক্রটি হয়েছে। যা শুধরে নিলেই ডার্বিতে নামতে হবে। বিশেষকরে দ্বিতীয়ার্ধে মনসযোগে হারানো মনে নিতে পারছেন না। মোচ যে তাঁদের মনসযোগ ধরে রেখে লক্ষ্যে স্থির থাকার নির্দেশ দিয়েছেন, সেটাও জানালেন বাগানের কৃষ্ণা।

জিতে শিল্ড শুরু রিয়াল কাশ্মীরের

নিজস্ব প্রতিনিধি, কলকাতা, ২৪ নভেম্বর : জয় দিয়ে আইএফএ শিল্ড অভিযান শুরু করল রিয়াল কাশ্মীর। টুর্নামেন্টের উদ্বোধনী ম্যাচে ইন্ডিয়ান অ্যারোজকে ৩-০ গোলে হারাল গভবানের চ্যাম্পিয়নরা।



গোলের পর ফ্রান গঞ্জালেজ মুনোজ।

ম্যাচের ২৫ মিনিটে ফ্রান গঞ্জালেজ মুনোজের গোলে এগিয়ে যায় সো লেপার্ডা। পাঁচ মিনিটের ব্যবধানে প্রত্যন্ত শিরোদকার ২-০ করেন। দ্বিতীয়ার্ধে ব্যবধান বাড়ান খেই সিং। জয় দিয়ে শুরু করতে পেরে খুশি রিয়াল কাশ্মীর কোচ ডেভিড রবার্টসন। ম্যাচের সেরা ফ্রান গঞ্জালেজের কথাই, 'ইন্ডিয়ান অ্যারোজ লড়াই দল। জয়ের জন্য আমরা শুরু থেকে ঝাঁপিয়েছিলাম। গতবার এখন থেকে চ্যাম্পিয়ন হয়ে ফিরেছিলাম। এবারও শিরোপা ধরে রাখার ব্যাপারে আমরা আশাবাদী।'

জিতলে না পারলেও দলের খেলায় হতাশ নন ইন্ডিয়ান অ্যারোজ কোচ সম্মুগম ভেঙ্কটেশ। তিনি বলেন,

'শিল্ড আমাদের কাছে আই লিগের প্রস্তুতি টুর্নামেন্ট। টুর্নামেন্টে নামার আগে আমরা দুই-একটি প্রস্তুতি ম্যাচ খেলেছি। দলের মধ্যে বোঝাপড়ার অভাবে আছে। আশা করছি ভুলক্রটি শুধরে পরের ম্যাচে আমরা যুগে দাঁড়াব।'

শিল্ডের উদ্বোধনী ম্যাচ বলে এদিন ইস্টবেঙ্গল মাঠে হাজির ছিলেন বেশ কিছু ফুটবলপ্রেমী। ছিলেন আইএফএ-র চেয়ারম্যান সুরত দত্ত, সভাপতি অজিত বন্দ্যোপাধ্যায়, সচিব জয়দীপ মুখোপাধ্যায় সহ ইস্টবেঙ্গল, মহম্মেদান স্পোর্টিং ক্লাবের কর্তারা। বিরতিতে প্রয়াত প্রাক্তন ফিফা রেফারি সূর্য চট্টোপাধ্যায়ের স্মরণে এক মিনিটের নীরবতা পালন করা হয়। তবে দর্শকদের উৎসাহ থাকলেও শিল্ডের আয়োজক হিসেবে শুরুতেই হোট খেল আইএফএ। সম্প্রচার-বিভাগে টিভিতে খেলা দেখা থেকে বঞ্চিত হলেন ফুটবলপ্রেমীরা।

সন্তোষ ট্রফি জয়ের লক্ষ্যে নামছে বাংলা

নিজস্ব প্রতিনিধি, কলকাতা, ২৪ নভেম্বর : সন্তোষ ট্রফির মূল্যবর্ণ নিশ্চিত করতে বৃহস্পতিবার কল্যাণী স্টেডিয়ামে সিকিমের বিরুদ্ধে নামছে বাংলা। বাংলার মতো উত্তর-পূর্বের রাজ্যটিও ছত্তিশগড়ের বিরুদ্ধে ২-০ ব্যবধানে জিতেছে। তাই জিতে পরের পরে যাওয়ার সুযোগ রয়েছে দুই দলের সামনেই। তবে প্রতিপক্ষকে বাড়তি গুরুত্ব দিতে নারাজ বাংলা কোচ রঞ্জন ভট্টাচার্য। তাঁর কথাই, 'আমরা নিজেদের শক্তি অনুযায়ী খেলতে পারলে সন্তোষ ট্রফি জেতা উচিত। হেলেনদের বলেছি, চাপ না নিয়ে মাঠে স্বাভাবিক খেলাটা খেলতে। আশা করছি পরের পরে যেতে কোনও সমস্যা হবে না।'

মঙ্গলবার কল্যাণী স্টেডিয়ামে বসে সিকিমের ম্যাচ দেখেছেন। সেই অভিজ্ঞতা থেকে বললেন, 'সিকিম দলটা টেকনিক্যালি ভালো, গতিও আছে। তবে ফুটবলারদের মনে বাংলা এগিয়ে।' অনভিজ্ঞতার জন্য ফুটবলাররা শেষ ম্যাচে বেশ কিছু সুযোগ নষ্ট করেছিল বলে মনে করছেন তিনি। তবে সিকিম ম্যাচে সেসব সমস্যা কাটিয়ে ওঠার বিষয়ে আশাবাদী ময়দানের এই পোড়খাওয়া কোচ। ছত্তিশগড়ের মতো সিকিম ম্যাচেও শুরুতে লিড নেওয়ার ওপর জোর দিচ্ছে বাংলা। সুতরাং খবর, ডু অর ডাই ম্যাচে দলকে উৎসাহ দিতে কল্যাণীতে উপস্থিত থাকবেন সচিব জয়দীপ মুখোপাধ্যায় সহ একঝাঁক আইএফএ কর্তা।

মহম্মেডানে সভাপতি বদল

নিজস্ব প্রতিনিধি, কলকাতা, ২৪ নভেম্বর : কলকাতা লিগ জয়ের এক সপ্তাহ হয়নি। এরমধ্যে মহম্মেদান স্পোর্টিং ক্লাবে বদলে গেল সভাপতির মুখ। গুলাম আশরফের পরিবর্তে ক্লাবের সভাপতির পদে কিরিয়ে আনা হল পুরোনো মুখ আমিরুদ্দিন ববিকো। বৃহবার ক্লাব তাঁরুতে সাংবাদিক সম্মেলনে তাঁর নাম ঘোষণা করেন মহম্মেদানের সিনিয়র ভাইস প্রেসিডেন্ট মহম্মদ কামারুদ্দিন। ছিলেন সচিব দানিশ ইকবালও। এদিকে, ১ ডিসেম্বর নিজেদের মাঠে লিগ জয়ের উৎসব সারতে চলেছে মহম্মেদান স্পোর্টিং। আমন্ত্রণপত্র পাঠানো হয়েছে মুখ্যমন্ত্রীর কাছে। অনুষ্ঠানে হাজির থাকবেন ১৯৮১ থেকে ২০২১ সময় পর্যন্ত মহম্মেদানে খেলা ফুটবলার ও কোচেরা। থাকবেন সাবির আলি, ভিক্টর অমলরাজ, আকবরের মতো প্রাক্তনীরা।

সন্তুদের সংবর্ধনা

জেলা ক্রীড়া সংস্থার পক্ষ থেকে বৃহস্পতিবার সন্ধ্যায় ক্রীড়া ক্ষেত্রে সাংগঠনিক দক্ষতার জন্য প্রাক্তন খেলোয়াড় সন্তু চট্টোপাধ্যায়, ভোলা মণ্ডল ও অলোক সরকারকে সংবর্ধনা দেওয়া হবে। সচিব কুমার দত্ত জানান, সংবর্ধিত করা হবে তাদের সংস্থার কার্যনির্বাহী সমিতির সদস্যদেরও।

জিতল ঐক্য

রায়গঞ্জ, ২৪ নভেম্বর : জেলা ক্রীড়া সংস্থার ক্রিকেট লিগে বুধবার ঐক্য সমিতির ১ উইকেটে জিতেছে রায়াল যুব সংঘের বিরুদ্ধে। রায়গঞ্জ স্টেডিয়ামে টসে জিতে রায়াল ৩০.১ ওভারে ১৪২ রানে অলআউট হয়।

সজল হালদার ৩৫ ও বিশ্বরূপ রক্ষিত ১৮ রান করেন। সৌগত সিং ১৫ ও শিবশংকর গুপ্ত ২৬ রানে নেন ২ উইকেট। জবাবে ঐক্য ৩৫.১ ওভারে ৯ উইকেটে ১৪৩ রান তুলে নেয়। সাগর সামন্ত ৩১ ও শিবশংকর ২৭ রান রেখে এসেছেন। প্রিন্স সাহা ২৭ রানে ফেলে দেন ৫ উইকেট। ভালো বোলিং করেছেন সজল হালদারও (৪০/২)। বৃহস্পতিবার খেলবে অশোকপল্লি স্পোর্টস অ্যান্ড গেমস ও আইডলস ক্রিকেট ক্লাব।

জলপাইগুড়ি টাউন জয়ী

আলিপুরদুয়ার, ২৪ নভেম্বর : ডুয়ার্স ক্রিকেট অ্যাকাডেমির উদ্যোগে ও আলিপুরদুয়ার টাউন ক্লাবের সহযোগিতায় আয়োজিত ডুয়ার্স কাপ অনূর্ধ্ব-১৯ টি-২০ লিগ ক্রিকেটে বুধবার জলপাইগুড়ি টাউন ক্লাব ৮ উইকেটে হারিয়েছে বিজয় স্পোর্টস ক্রিকেট অ্যাকাডেমিকে। টসে জিতে বিজয় ১৪.৩ ওভারে ৩৫ রানে গুটিয়ে যায়। তাদের সর্বোচ্চ ১৩ রান ডান্ডর দাসের। ম্যাচের সেরা প্রিয়ান্বু দাস ৭ রানে নিয়েছে ৪ উইকেট। ভালো বোলিং করেছে পাণ্ডু সাহাও (২/২)। জবাবে জলপাইগুড়ি টাউন

৪.১ ওভারে ২ উইকেটে ৩৬ রান তুলে নেয়। শীর্ষ সর্বকায়ের অবদান ২৩ রান। শুভঙ্কর বিশ্বাস ১২ রানে ২ উইকেট নেয়।

ফাইনালে পোয়ারগাঁও

মাঝরিহাট, ২৪ নভেম্বর : টোটোপাড়া পাইকেশা ক্লাবের দিওয়ালি কাশ্য রিওয়াজিং ফুটবলে ফাইনালে উঠল টোটোপাড়া পোয়ারগাঁও ইউনাইটেড। টোটোপাড়া হাইস্কুল মাঠে বুধবার দ্বিতীয় সেমিফাইনালে তারা টাইব্রেকারে ৫-৩ গোলে হারিয়েছে জয়গাঁর খেলক্লা ইয়ং স্টার বয়েজ ক্লাবকে। নির্ধারিত সময়ে স্কোর ছিল ১-১। পোয়ারগাঁওয়ের নাইজিরিয়ান ফ্রান্সো গোল করেন। খেলক্লাবের গোলটি সানি লামার। রবিবার ফাইনালে পোয়ারগাঁও খেলবে মহাকালগুড়ি মুসা ক্লাবের সঙ্গে।

হাট্টাপাড়া প্রিমিয়ার লিগ ফুটবল শুরু

মাঝরিহাট, ২৪ নভেম্বর : হাট্টাপাড়া মফু খেস স্পোর্টিং ক্লাবের পরিচালনায় ৬ দলীয় হাট্টাপাড়া প্রিমিয়ার লিগ ফুটবল বুধবার শুরু হল। উদ্বোধনী ম্যাচে দেওয়ারি স্পোর্টিং ক্লাব ৩-১ গোলে হারিয়েছে মুজনাই চা বাগানকে। সূত্রী বসুমতা জোড়া গোল করেন। তাদের অন্য গোলটি শ্বখত শর্মা। মুজনাইয়ের গোলকোরার রিতেশ ওরাও। বৃহস্পতিবার খেলবে হাট্টাপাড়া বি বাড়ি ও প্রগতি সংঘ।

জয়ী দক্ষিণ দিনাজপুর

বালুঘাট, ২৪ নভেম্বর : সিএবি-র আন্তঃজেলা টি-২০ ক্রিকেটে দ্বিতীয় ম্যাচেও জয় পেলে ডেয়ারডেভিল দক্ষিণ দিনাজপুর। বুধবার কল্যাণীতে তারা ৫ উইকেটে বাঁকড়া হসেসকে হারিয়েছে। প্রথমে বাঁকড়া ৯ উইকেটে ১১৩ রান করে। শুভদীপ মণ্ডল ৪২ রান করেন। সুমিত মহন্ত ও সৌম্য রায় ১৩ রানে পেয়েছেন ৩ উইকেট। জবাবে দক্ষিণ দিনাজপুর ১৯.১ ওভারে ৫ উইকেটে ১১৪ রান তুলে নেয়। প্রদুনা সরকার ৪০ ও ঝক দাস ২৬ রানে রেখে এসেছেন। সুদীপ্ত সহিস ১২ রানে নেন ২ উইকেট। বৃহস্পতিবার দক্ষিণ দিনাজপুর খেলবে বীরভূমের সঙ্গে।

আমূল দুধ ভালোবাসে ইন্ডিয়া

32g প্রোটিন

₹41*/1L

আমূল

স্লিম 'এন' ট্রিম

500 mL: ₹ 21* | 16g প্রোটিন

*এমআরপি (সমস্ত কর সমেত), পরিবেশ ও কুলিং চার্জ অন্তর্ভুক্ত। শর্তাবলি প্রযোজ্য। অনুসন্ধান / সংজ্ঞায়িততার জন্য দয়া করে যোগাযোগ করুন: 7433824630, 980001042

A LEADER IS ONE WHO KNOWS THE WAY GOES THE WAY AND SHOWS THE WAY

UTTAR BANGA SAMBAD THE LEADER OF NORTH BENGAL

KNOWS THE TRUTH SPEAKS THE TRUTH

মহিন্দ্রা

আনন্দ উৎসবের জোয়ার, কোটি-কোটির উপহার।*

অবিশ্বাস্য অফার: ₹ 33,000.00 পর্যন্ত

এক্সচেঞ্জ বোনাস: ₹ 8,000.00 পর্যন্ত

আরম্ভিক EMI মাত্র: ₹ 5,000.00

ইনশিওরেন্স কভার: ₹ 10 লক্ষ*

সুনিশ্চিত উপহার প্রত্যেক কোয়ার গড়ে*

অবিশ্বাস্য অফারের শেষ 6 দিন

Authorised Dealers: **S. N. MOTORS: MALDA & RATUA : 74284 50476**